

## Yeshua, Esun Ungi di Israel i Juda; Su Nashon!!!

Pa e motibu aki **Yeshua, Esun Ungi** a bisa: "No kere of **pensa** ku **Mi** a bin pa **abolí** of **anulá** e **Lei** òf e **Profetanan**; **Mi** no a bin pa **abolí** of **anulá**, sino pa **kumpli** i **klarifika**. (**Mateo 5:17**).

**Yeshua: e Lei, e Enseñansa di Dios Tata!!!.**

"I esaki mester ta un **statuto permanente** pa **boso**: den e di **shete luna**, riba e di **dies dia** di e luna, boso mester **umiyá** boso **alma** i no **hasi** ningun **trabou**, ni e **yu** di **tera** ni e **stranhero** ku ta keda biba pa un tempu meimei di boso; pasobra ta **riba** e **dia** aki **Ekspiashon** mester wòrdu hasí pa boso pa **hasi boso Limpi**; boso lo ta **Limpi** di tur boso **pikánan** dilanti di **SEÑOR**. E ta un **sabat** di **deskanso solèm** pa boso, pa boso **umiyá** boso **alma**; ta un **statuto permanente**. (**Levítiko 16:29-31**).

'I kualke **hòmber** di **kas** di **Israel**, òf di e **stranheronan** ku ta keda biba pa un tempu meimei di nan, ku kome maske ta **djis** un **tiki sanger**, lo **Mi** pone **Mi** kara **kontra** e **persona** ei ku kome **sanger**, i lo **Mi** kòrt'é kit'é for di **meimei di su pueblo**. Pasobra **Bida** di e **karni** ta den e **Sanger**, i **Mi** a duna boso esaki **riba altar** pa **hasi Ekspiashon** pa boso **alma**; pasobra ta e **Sanger** ta **hasi Ekspiashon** pa e **alma**.' (**Levítiko 17:10-11**).

**Yeshua: e Lei, e Enseñansa di Dios Tata!!!.**

"**Tera** di **Zabulon** i **tera** di **Nèftalí**, na kaminda di **laman**, na e otro **banda** di **Jordan**, **Galilea** di e **paganonan**; e **pueblo** ku tabata **sintá** den **skuridat** a mira un **Gran Lus**, i esnan ku tabata **sintá** den e **tera** di **sombra** di **morto**, riba nan un **Lus** a **Resplandesé**." For di e **tempu** ei **Yeshua** a kuminsá **Prediká** i Bisa: "**Repentí**, pasobra e **Reino** di **Shelu** ta **serka**." (**Mateo 4:15-17**).

**Ta ken ta Dios Tata Su Nashon?**

Awor aki den 2020 **Dios Tata Su Nashon** ta tur **esnan** ku ta sigi e **Yu Unigénito** di e **Tata** i **hasi** e **Boluntat** di **Dios Tata** (**Mateo 7:21-23**). Ora nos bai wak kiko e **palabra Repentí** ta nifiká na **Hebreo**, nos ta bin **mira** i **realisa** kiko e **Fiesta** di **Ekspiashon** (**Levítiko 23:26-32**) ta kome i bebe. **Repentí** na **Hebreo** ta wordu yama "**teshuvah**", ku ta bini di e **palabra** rais "**shub**", ku ta nifiká; "**bira bek, bolbe; regresá**". Esdecir den tur su **esensia** e **palabra Repentí** ta nifiká **Restorashon** di e **Relashon** ku **Dios Tata**. For di den **Torah**; e **Lei**, e **Enseñansa** di **Dios Tata**, tin skirbi ku ta e **Sanger** ta **hasi Ekspiashon** pa nos **alma**. Ta **Yeshua Su Sanger** a wordu **drama** pa **Ekspiashon** di nos **alma!!!**. **Ken** ku ta **kere** ku **Yeshua** ta e **Mesias** ta **nasí** di **Dios**; i **ken** ku ta **Stima** e **Tata** ta **Stima** e **Yu** **nasí** di **djE**. Pa **medio** di esaki **nos** sa ku **nos** ta **Stima** e **yunan** di **Dios**, ora **nos** ta **Stima Dios** i ta **kumpli** ku **Su Mandamentunan**. Pasobra esaki ta e **Amor** di **Dios**, ku **nos** ta **warda Su Mandamentunan**; i **Su Mandamentunan** **no** ta **pisá**. (**1 Juan 5:1-3**).

27 sèptèmber 2020

Sea Bendishoná ku e **Amor** di **Dios Tata**; **Yeshua Mesias**  
Un Fiel Sirbidó di **Dios**,  
Remsly L Riley